



**SKUPŠTINA KANTONA SARAJEVO
KLUB ZASTUPNIKA DEMOKRATSKE FRONTE
ZASTUPNICA VEDRANA VUJOVIĆ**

**Za:
VLADA KANTONA SARAJEVO**

Na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22) , upućujem

ZASTUPNIČKU INICIJATIVU

Vladi Kantona Sarajevo i stručnim institucijama iz oblasti bezbjedosti, da hitno i bez odlaganja predlože cjelovit program mjera i aktivnosti za povećanje opšte bezbjedosti na području Kantona Sarajevo, sa posebnim fokusom na podizanje bezbjedosti u saobraćaju.

Obrazloženje:

Povodom tragične saobraćajne nesreće koju je uzrokovao Armin Berberović bez položenog vozačkog ispita i pod uticajem alkohola, u kojoj je stradala Azra Spahić, građani Sarajeva su dana 28.05.2023. godine, na mjestu nesreće na Marijin Dvoru izrazili nezadovoljstvo stanjem sigurnosti u saobraćaju radi pasivnog odnosa Vlade Kantona Sarajevo, koja nije blagovremeno poduzela adekvatne preventivne mjere i aktivnosti na podizanju stepena bezbjedosti građana u Sarajevu.

Veliki je broj povratnika u činjenju saobraćajnih prekršaja, veliki je broj neplaćenih novčanih kazni za saobraćajne prekršaje, čime se neposredno stimulira nasilnička vožnja koja može dovesti do nezgoda i tragičnih posljedica.

Program mjera koje je Vlada Kantona Sarajevo usvojila 28.5.2023. godine povodom tragične saobraćajne nesreće, iako sadrže hitne i dugoročne mjere, iste se ne mogu implementirati bez elaboracije i stručnih analiza o njihovoj opravdanosti.

Naročito je neprihvatljivo da se u programu mjera Vlade Kantona Sarajevo ne navode iznosi sredstava za pojedine namjene.

Da bi se usvojene mjere Vlade Kantona Sarajevo implementirale, svaka mjera zahtijeva posebnu stručnu studiju i elaboraciju.

Svjesni smo kao građani i svakodnevni učesnici u saobraćaju da ne postoje ad-hoc rješenja, te da je potrebno donijeti niz preventivnih mjera i analizirati jesu li adekvatne. Bezbjednost u saobraćaju je proces u koji smo svi uključeni i smatram da je kontinuirana podrška, promjena zakonske regulative i saradnje sa svim društvenim nivoima od interesa za svakog građana i kako bi se konačno bavili uzrocima, a ne isključivo posljedicama ovakvih tragičnih događaja.

Na osnovu naprijed izloženog očigledno je da se Program mjera Vlade Kantona Sarajevo može koristiti isključivo kao inicijativa za izradu elaborata i studija za realizaciju programa po pojedinim oblastima.

Vedrana Vujović s.r.